

吳縣志卷第六十九上

列傳

忠節一

舊志謂吳自子胥盡忠代有偉人舍生取義與日月爭光良然然子胥楚產也而列吳縣忠節傳之首此舊志之失不可從今從馮志以子胥冠名宦傳而於本傳首錄蹇由與太子友自此以下采擇增補悉依時代編次如左

吳縣

周

蹇由吳子夷昧之弟魯昭公五年楚子伐吳吳子使蹇由犒師楚人執之將以釁鼓王使問焉曰女卜來吉乎曰吉寡君聞君將治兵於敝邑卜之以守龜曰余亟使人犒師請行以觀王怒之疾徐而爲之備尙克知之龜兆告吉曰克可知也君若驩焉好逆使臣茲敝邑休怠而忘其死亡無日矣今君奮焉震電馮怒虐執臣將以釁鼓則吳知所備矣敝邑雖羸若早修完其可以息師難易有備可謂吉矣且吳社稷是卜豈爲一人使臣獲釁軍鼓

而敝邑知備以禦不虞其爲吉孰大焉國之守龜其何事不卜一臧一否其誰能嘗之城濮之兆其報在邇今此行也其庸有報志乃弗殺是行也吳早設備楚無功而還以蹶由歸十九年令尹子瑕言蹶由於楚子曰彼何罪諺所謂怒於室色於市者楚之謂矣舍前之忿可也乃歸蹶由

乾隆吳縣志忠節傳

太子友夫差子也夫差將伐齊令國中曰敢諫者死太子友知子胥忠而不用太宰嚭倭而專政欲切言之恐羅尤也乃諷諫王清旦懷丸持彈從後園而來衣紿履濡王怪問之友曰適游後園聞秋蛸之聲往觀之秋蛸登高樹飲清露隨風搖撓長吟悲鳴自以爲安不知螳蜋超枝緣條曳腰聳距而稷其形螳蜋翕心而進志在有利不知黃雀徘徊枝陰蹶蹶微進欲啄螳蜋黃雀但知伺螳蜋之有味不知臣挾彈飛丸而集其背臣但虛心志在黃雀不知空罔其旁陷於深井臣故紿體濡履幾爲大王取笑王曰天下之愚莫過於斯但貪前利不覩後患友曰天下之愚復有甚者魯承周公之末有孔子之教守仁抱德無欲於鄰國而齊舉兵伐之不愛民命惟有所獲夫齊徒舉而伐魯不知吳悉境內之士盡府庫之財暴師千里而攻之吳徒知踰境征伐非吾之國不知越王將選死士出三江之

口入五湖之中屠吾吳國滅吾吳宮天下之危莫過於斯也王不聽魯哀公十三年越伐

吳爲二隊疇無餘謳陽自南方先及郊吳太子友王子地王孫彌庸壽於姚

王子地以下三人皆夫差臣

自泓上觀之彌庸見姑蔑之旗曰吾父之旗也

彌庸父姑蔑人爲越所獲故得其旌旗

不可以見讎而弗殺

也太子友曰戰而不克將亡國請待之彌庸不可屬徒五千王子地助之戰彌庸獲疇無餘地獲謳陽越子至王子地復戰友與彌庸於姚皆死之

同

漢

陸康字季寧少仕郡以義烈稱刺史臧長舉茂才除高成令縣在邊垂舊制令戶一人具弓弩以備不虞不得往來長吏新到輒發民繕修城郭康至皆罷遣百姓大悅以恩信爲治寇盜亦息州郡表上其狀遷武陵太守轉桂陽樂安二郡所在稱之時靈帝欲鑄銅人而國用不足乃詔民田畝斂十錢而比水旱傷稼百姓貧苦康上疏諫內倖譖康檻車徵詣廷尉免歸復徵拜議郎會廬江賊黃穰等與江夏蠻連結十餘萬人攻沒郡縣拜康廬江太守康申明賞罰擊破穰等餘黨悉降帝嘉其功拜康孫爲郎中獻帝卽位天下大亂康蒙險遣孝廉計吏奉貢朝廷詔書策勞加忠義將軍秩中二千石時袁術屯壽春部曲飢

饑遣使求委輸兵甲康以其叛逆閉門不通內修戰備將以禦之術大怒遣其將孫策攻康圍城數重康固守吏民有先受休假者皆遁伏還赴暮夜緣城而入受敵二年城陷月餘發病卒朝廷愍其守節拜子儻爲郎中

後漢書

高岱字孔文受性聰達輕財貴義太守盛憲以爲上計舉孝廉許貢來領郡岱將憲避難於許昭家求救於陶謙謙未卽救岱憔悴泣血水漿不入口謙感其忠壯有申包胥之義許爲出軍以書與貢岱得謙書還而貢已囚其母吳人皆爲危悚岱言在君則爲君且母在牢獄期於當往遂通書自白貢卽與相見才辭敏捷好自陳謝貢登時出其母岱將見貢語友人張允沈臂令豫具船以貢必悔當追逐之出便將母乘船易道而遁貢須臾遣人追殺之使與岱錯道遂免時年三十餘隱於餘姚孫策命會稽丞陸昭逆之策慮已候焉聞其善左傳乃自玩讀之或謂之曰高岱以將軍但英武而已無文學之才若與論傳而云不知者則某言符矣又謂岱曰孫將軍爲人惡勝己者若每問當言不知乃合意耳及與論傳或對不知策果怒以爲輕已囚之知交及時人皆露坐爲請策登樓望見數里中填滿惡其收衆心遂殺之

吳錄

沈友字子正年十一華歆行風俗見而異之因呼曰沈郎可登車語乎友逡巡曰君子講好以禮今仁義陵遲聖道漸壞先生銜命將以裨補先王之教整齊風俗而輕脫威儀猶負薪救火更益其熾乎歆慚曰自桓靈以來雖多英彥未有幼童若此者弱冠博學善屬文兼好武事注孫子兵法又辯於口咸言其筆舌刀三者皆過絕於人孫權以禮聘既至論王伯之略當時之務權斂容敬焉正色立朝清議峻厲爲庸臣所譖誣以謀反權亦以終不爲己用害之時年二十九

吳錄

三國

張純字元基敦之子少厲操行學博才秀容止可觀拜郎中補廣德令治有異績擢太子輔

義都尉孫權廢太子和純盡言極諫權幽之遂棄市

吳書吳錄合纂

朱異字季文以父任爲郎後拜騎都尉代桓領兵赤烏四年隨朱然攻魏樊城建計破其外圍還拜偏將軍魏廬江太守文欽營住六安多設屯砦置諸道要以招誘亡叛爲邊寇害異乃身率其手下二千人掩破欽七屯斬首數百遷揚武將軍權與論攻戰辭對稱意權謂異從父據曰本知季文見之復過所聞建興元年遷鎮南將軍是歲魏遣胡遵諸葛誕

等出東興異督水軍攻浮梁壞之魏軍大破太平二年假節爲大都督救壽春圍不解還

軍爲孫綝所枉害

吳志

晉

陸納字祖言玩弟少有清操貞厲絕俗初辟鎮軍大將軍武陵王掾州舉秀才太原王述雅敬重之引爲建威長史累遷黃門侍郎本州別駕尚書吏部郎出爲吳興太守至郡不受俸祿徵拜左民尚書領州大中正臨發止有被襪而已餘並還官遷太常徙吏部尚書加奉車都尉衛將軍謝安常欲詣納而納殊無供辦兄子椒不敢問之乃密爲之具安既至納所設唯茶果俶遂陳盛饌客罷納大怒曰汝不能光益父叔乃復穢我素樸杖之四十兄子禽犯法應刑乞免官謝罪詔特許輕降遷尚書左僕射加散騎常侍拜尚書令恪勤貞固始終不渝會稽王道子以少年專政委任羣小納望闕歎曰好家居織兒欲撞壞之邪朝士咸服其忠亮除左光祿大夫開府儀同三司未拜卒卽以爲贈

晉書

張禕少有操行恭帝爲琅邪王以禕爲郎中令及帝踐阼劉裕以禕帝之故吏素所親信封藥酒一罌付禕密令鳩帝禕旣受命歎曰鳩君而求生何面目視息世間哉不如死也因

自飲之而死

晉書

宋

孫曇瓘曉暢兵法而運予超距冠絕一時元徽五年以屯騎校尉遷越州刺史俾選越騎入衛吏民素聞曇瓘將略莫不聽命尋進輔國將軍司徒袁粲欲討蕭道成乃徵曇瓘帥越騎至建康粲敗曇瓘脫走歸吳道成捕殺之

廣東通志

齊

陸超之爲江州刺史晉安王子懋防閤以清靜雅爲子懋所知延興元年子懋聞鄱陽隨郡二王見殺欲起兵赴難與超之議傳檄荊郢入討君側明帝遣軍主裴叔業先襲尋陽遣將隨子懋參軍于琳之入城害子懋琳之勸超之逃亡超之曰人皆有死此不足懼吾若逃亡非惟孤晉安之眷亦恐田橫客笑人端坐待命超之門生姓周者謂殺超之當得賞乃伺超之坐自後斬之頭墜而身不僵王元邁嘉其節厚爲殯斂周又助舉棺未出戶棺墜政壓其頭折卽死

南史齊晉安王子懋傳

陸閑字遐業慧曉兄子有風概不苟合少爲同郡張緒所知仕至揚州別駕齊明帝崩閑謂

所親曰宮車晏駕百司將聽冢宰主上地重才弱必不能振難將至矣乃感心疾不復預
州事永元末刺史始安王遙光據東府作亂或勸去閑曰吾爲人吏何可逃死臺軍攻陷
城閑以綱佐被收尙書徐孝嗣啓閑不預逆謀未及報徐世標命殺之閑四子厥絳完襄
絳字魏卿時隨閑抱頸求代死不獲遂以身蔽刀刃行刑者俱害之南史厥襄自有傳

張沖字思約邵孫束之子出繼伯父敷沖少有至性隨從叔永爲將帥除盱眙太守齊永明
八年爲假節監青冀二州行刺史事父初卒遺命祭我必以鄉土所產無用牲物沖在鎮
四時還吳國取果菜每至烝嘗輒流涕薦焉仍轉刺史永元元年爲南袁州刺史遷司州
裴叔業以壽春降魏又遷沖南兗州刺史並未拜崔慧景事平徵建安王寶賁還都以沖
爲郢州刺史一歲之中頻受四州刺史至是乃受任封定襄侯梁武帝起兵手書喻意又
遣辯士說之沖確然不同東昏遣驍騎將軍薛元嗣制局監暨榮伯領兵及糧運送沖使
拒西師元嗣等懲劉山陽之敗疑沖不敢進停住夏首浦聞梁武師將至元嗣榮伯相率
入郢城時竟陵太守房僧寄被代還至郢東昏敕僧寄留守魯山除驍騎將軍僧寄謂沖
曰下官蒙先帝厚澤實欲微立塵効沖深相許共結盟誓分部拒守遣軍主孫樂祖數千

人助僧寄據魯山岸立城壘明年二月梁武圍魯山城遣軍主曹景宗等過江攻郢城沖中兵參軍陳光靜等間出擊之光靜戰死沖固守不出病將死勵府僚以誠節言終而卒東昏詔贈沖散騎常侍護軍將軍

南史

梁

張嵎字四山父稷初爲剡令至嵎亭生之因名少敦孝行年三十餘猶斑衣受稷杖動至數百收淚歡然方雅有志操能清言感家禍終身蔬食布衣手不執刀刃不聽音樂弟淮言氣不倫嵎垂泣訓誘起家祕書郎累遷鎮南湘東王長史尋陽太守王暇日爲之箴得節卦謂嵎曰卿後當東入爲郡恐不得終其天年嵎曰貴得其所耳還爲太府卿吳興太守侯景圍建業遣弟伊率郡兵赴援城陷御史中丞沈浚違難東歸嵎往見之謂曰賊臣憑陵人臣効命之日今欲收集兵刃保據貴鄉雖復萬死誠亦無恨浚固勸嵎舉義時邵陵王綸東奔至錢塘聞之遣前舍人陸邱公版授嵎征東將軍嵎曰天子蒙塵今日何情復受榮號留版而已賊行臺劉神茂攻破義興遣使說嵎斬其使仍遣軍破神茂侯景乃遣其中軍侯子鑒助神茂擊嵎嵎軍敗乃釋戎服坐於廳事賊臨以刃終不屈執送景將舍

之嶠曰速死爲幸乃殺之子弟遇害者十餘人景欲存其一子嶠曰吾一門已登鬼籙不

就爾處求恩於是皆死賊平元帝追贈侍中中衛將軍開府儀同三司諡忠貞

南史

許孝敬小名嗣兒勁勇過人爲梁主督驍將以大將軍守河東陳將吳明徹來攻無救援爲

明徹所禽戮於建康市贈車騎大將軍

周書

陳

陸琛字潔玉臨川王長史邱公之子少警俊事後母以孝聞後主嗣位爲給事黃門郎中書

舍人參掌機密坐漏泄禁中語賜死

南史

唐

陸長源字泳之餘慶孫瞻於學始辟昭義薛嵩幕府嵩侈汰常從容規切歷建信二州刺史

韓滉兼領江淮轉運辟署兼御史中丞以爲副入遷都官郎中復出爲汝州刺史時宣武

軍士素驕怙亂帝恐節度使董晉儒悞拜長源爲司馬以佐之長源初欲峻法繩驕兵爲

晉所持不克行而判官楊凝孟叔度等又苛細淫縱晉有所偷弛長源輒裁正之晉卒長

源總留後事大言曰將士久慢吾且以法治之衆懼長源性剛不適變又不爲備才八日

軍亂殺長源及叔度等死之日有詔拜節度使遠近嗟悵贈尚書左僕射長源諸易無威儀而清白自將去汝州送車二乘曰吾祖罷魏州有車一乘而圖書半之吾愧不及先人

云唐書

宋邊知章字公望裕子崇甯五年進士國子監書庫官京畿京西路提舉鹽香司管幹公事歷

永靜軍通判律學博士通判開德府以年勞賞典遷官累朝請郎靖康初金人犯闕尋以

和議退澶淵當孔道明年春告滿代者避禍愆期金人將復動或勸知章逃去知章抵書平江諸弟以爲去歲兵宜敵不敵今歲既盟宜和

不和速禍必矣苟求幸逃豈不愧守邢

州詔事乎藉使非力所能而死當見吾祖地下無覩顏其冬金人至城下軍潰於內遂死

之年四十七贈朝散大夫官其一子尋復命其幼者子維嶽知袁州維熊通判紹興府初

知章高祖肅真宗朝爲兵部郎中知邢州澶淵之役密詔便宜退保肅詔抗敵併納傍

郡鎮魏六州老弱全活者數十萬故知章以自勵云

盧志

南幸分兵入縣境良謂僚友曰今日乃忠臣義士死國之時也被甲持戈集射士百餘奮而前金兵數人死衆爲披靡然力不敵竟死同郡時有武舉進士保義郎褚孜爲永康尉賊馬犯州與兩浙兵馬鈐轄閻章婺州諸縣弓手將領馬珍俱被害事聞官良之子思孜等亦各贈三官恩澤兩資思後以朝議大夫知漢陽軍贈良銀青

志

徐揆宣和中爲太學齋長二帝蒙塵時肅王出使詔擇從官朝臣多畏難揆毅然應命上書

金人不屈被害詔諡靖節

光緒志

郭元邁字英遠附孫博通經史入太學魁上舍建炎二年應募奉使時建安魏行可假禮部

侍郎充河北金人軍前通問使元邁以右武大夫和州團練使爲之副行次河朔以尺紙付家云出疆當難棘時難保全生此身已許國矣至金上書其帥粘罕乞歸二聖金人留

宋之不遣尙書洪皓北歸言其以身徇國棄之不取緩急何以使人元邁不肯鬻髮換冠卒

於虜中

志

鄭凝之戢孫建炎中爲浙西安撫司機宜建康潰卒戚方犯鎮江知府胡唐老遇害凝之亦

以兵死詔官其家一人

宋史

滕茂實字秀穎元發從子也

元發見流寓

初名祿重和元年上舍登第徽宗改賜今名官至奉議

郎靖康初金人入寇朝議割三鎮以和茂實由水部員外郎假工部侍郎副簽書路允迪出使河東割地太原陷允迪還至代州金人獨留茂實先是茂實兄禔亦在虜中故粘罕聞茂實名將屈爲用亦遷之代復從京師取其弟華實以慰其意常使人諭茂實易戎服又驅巾幘稍高者數人至前殺之屢加逼脇茂實弗動顧莫能生還乃自爲哀詞復篆宋工部侍郎滕茂實墓九字裏以奉使黃旛密授其友朔甯府司理董誥屬以後事欽宗自出都城舊臣無敢候問起居者洎過代州茂實具冠裳迎謁拜伏號慟州民爲之感泣金人謂之曰國破主遷所以留公蓋將大用茂實請從舊臣俱行金人不許遂留雁門董誥拔歸茂實與之泣別自述其出處附表以聞茂實竟憂憤成疾卒金人哀其忠爲起墓臺山寺歲時祀之建炎二年誥以茂實哀詞言於張浚浚以誥爲陝西轉運判官主其死節付史館紹興二年追贈龍圖閣直學士官其家三人後諡忠節紹定中知平江府吳淵立祠於學宮兄禔歷蘇州糧料院句當新城右廂公事大宗正丞通判代州官朝議郎金人犯順邊郡望風降避禔率衆城守不下力屈援絕爲虜所拘劉豫興解州鹽利以太府卿

召執節不辱而死二子彪彰俱陷虜中禰弟倚以蔭補官歷知榮州廣安軍貴州茂實子修字敏叔以恩補官歷平江府司戶監常州比較務衢州司法知蕪湖縣官至宣義郎

盧志

盧法原字立之知原弟自知雍邱縣積官太府少卿同上舍出身使遼還遷司農卿賜三品服爲吏部尙書以官秩次第履歷總爲一書功過殿最開卷瞭然吏不能欺坐王黼累罷爲顯謨閣待制紹興元年提舉臨安洞霄宮張浚承制起知夔州尋爲龍圖閣學士川陝等路宣撫處置副使進端明殿學士川陝宣撫副使金人攻關輔叛將史斌陷興州法原命諸將堅壁言戰者斬衆以爲怯未幾河東經制使王燮以乏食班師法原開關納之與燮同破斌復興州方巨盜充斥秦隴叛兵欲窺蜀法原極意拊循嚴爲備禦視山川險阻分地置將前後屢捷會兀朮攻關爲吳玠所敗法原與玠素不睦玠因奏功訟法原不濟師不餽糧不銓錄立功將士帝手詔詰問法原自辯甚力上頗不直之憂恚卒於軍

宋史

李彌遜字似之撰子弱冠以上舍登大觀三年第調單州司戶累官起居郎以封事剴切貶知廬山縣改奉嵩山祠廢斥八載宣和末知冀州金人犯河朔彌遜捐金帛致勇士修城堞決河護壑邀擊其游騎斬首甚衆兀朮北還戒師毋犯其城靖康元年召爲衛尉少卿

出知瑞州二年建康府牙校周德叛執其帥宇文粹中殺官吏嬰城自守勢猖獗彌遜以江東運判領郡事單騎扣賊闔招降之誅首惡五十人撫其餘黨一郡帖然改淮南轉運副使後奉興國宮祠知饒州召對奏當堅定規模排斥奸言帝嘉其讜直輔臣不悅以直寶文閣知吉州七年秋遷起居郎彌遜自政和末以上封事得貶垂二十年及復居是職論事鯁切如初是冬試中書舍人奏六事曰固藩維嚴禁衛練兵節用收民心擇守帥試戶部侍郎秦檜再相惟彌遜與晏端復有憂色八年乞外詔不允趙鼎罷相檜專國贊帝決策通和金遣烏陵思謀入界索禮甚悖軍民皆不平胡銓上疏乞斬檜范如圭以書責檜黨讎辱國會開引古誼以折檜相繼貶逐彌遜請對言金使請和欲行君臣之禮有大不可帝詔廷臣大議卽日入奏彌遜手疏力言陛下受金人空言未有一毫之得乃欲輕祖宗之付託屈身委命自同下國而尊奉之倒持太阿授人以柄危國之道而謂之和可乎借使金人姑從吾欲假以目前之安異時一有無厭之求意外之欲從之則害吾社稷之計不從則釁端復開是今日徒有屈身之辱而後患未已又言陛下率國人以事讎將何以責天下忠臣義士之氣力陳不可者三檜嘗邀彌遜至私第曰政府方虛員苟和好

無異議當以兩地相浼答曰彌遜受國厚恩何敢見利忘義顧今日之事國人皆不以爲然獨有一去可報相公檜默然次日彌遜再疏言愈切直檜大怒彌遜引疾帝諭大臣留之時和議已決賴彌遜廷爭不受封冊九年春再上疏乞歸田里以徽猷閣直學士知端州改知漳州十年歸隱連江西山是歲元朮分四道入侵明年又侵淮西取壽春竟如彌遜言十二年檜乘金兵旣敗收諸路兵復通和好追仇向者盡言之臣喉言者論彌遜與趙鼎王庶曾開四人同沮和議於是彌遜落職十餘年間不通時相書不請磨勘不乞任子不序封爵以終其身常憂國無怨懟意二十三年卒朝廷思其忠節詔復敷文閣待制

宋史

滕膺字子勤茂實從子紹聖進士授台州戶曹方臘作亂台州震恐知府趙咨道通判李景淵駭愕遁去膺慨然任其責移書訣父母昆仲扁妻子於署解諭台民以利害人人感泣聽命下令發夫守險增陴浚隍治器募兵運糧梟分屯列柵爲死守計日夜撫循士卒城中始有固志山民呂師囊起兵應賊導以攻城前後數匝膺應機設伏立摧破之城賴以全存活甚衆時咨道景淵雖遁而膺所上下公牒仍系其爵名圍解亟歸上狀膺不預又

闕尹擅兵賊臣柄國咨道景淵獵顯官膺僅從捕盜七人之例改京秩未幾徙衢州司錄及金人犯順起爲提舉攝應天府少尹高宗以元帥駐河北勸進爲帳前准備差俄改准寧通判拒劇盜孔彥舟王善數十萬衆以守城功移知蔡州除直祕閣京西路計度轉運副使渡江爲張浚參軍李成所嫉劾免後復起至管台州崇道觀十五年卒諡忠惠台人德之立廟祀請於朝賜額義靈寧宗初贈忠烈侯

牛若麟縣志

王介字元石

史云金華人志謂郡人

從朱熹呂祖謙游登紹熙元年進士第三簽書昭慶軍節度判官

除國子錄上疏言壽皇親挈神器授之陛下孝敬豈可久闕孝宗崩又力請上過宮執喪言辭激切人歎其忠寧宗卽位介上疏言陛下卽位未三月策免宰相遷易臺諫悉出內批非治世事遷太學博士時韓侂冑居中弄柄疑介前封事詆己怨之添差通判紹興府尋知紹武軍會學禁起姚愈劾介僞學之黨且附會前相汝愚主管台州崇道觀久之差知廣德軍歷知饒州召爲祕書郎遷度支郎官奉祠除都大坑冶侂冑誅召還累除國子祭酒會不雨詔百官指陳闕失宰相史彌遠以母喪起復介手疏歷論時政乞令彌遠終喪除祕書監陞太子右諭德在春宮篤意輔導每遇講讀因事規諫遷宗正少卿兼權中